



姓韻卷

或威張



十三職

職 見風俗通

風俗通漢有山陽令職洪

辯證唐開元時職南金注史記

夸堅志晁補之猪齒白化佛贊曰猪白齒化佛者崇寧二年

三月一日衛州獲嘉縣民職氏殺猪祭神而民劉氏獵犬得

其棄首骨銜之狺狺四日不食民使其子析之其左牡齒白

中得肉如拇色酣醴如醉玉諦視之如來像也髮有珠如粟
紺目跣趺瞳子隱然莊嚴畢具觀者萬人補之從弟新鄉令
載之日觀其事記於石以示補之按亦見墨莊漫錄

直 見風俗通

荀子成相篇禹得橫草直成為輔按呂氏春秋作直窺

左昭三年傳晏子曰箕伯直柄虞遂伯戲杜注四人皆舜後

陳氏之先

風俗通漢有御史大夫直不疑封塞侯按漢功臣表塞侯

直不疑子康侯相如嗣元朔四年侯堅嗣坐酎金除按直不

疑傳南陽人官御史大夫學老子言子相如孫望功臣表作

堅漢書作祖

王僧虔名書錄蔡邕米曹喜之法真定直父碑猶傳于世篆

者師焉按初學記引作貞定真父碑云其接友也審辨真偽

明于知人度終始而後交情不疏而貌親

統謚明永樂舉人直廣陽朔人嘉靖中官河源知縣直凌霄

容縣人按蕭智漢書作植凌霄王元美別集謂凌霄官河源

令

直勒氏見唐書

唐菀文謝偃傳偃衛州衛人本姓直勒氏祖孝政仕北齊為散騎常侍改姓謝氏偃善作賦仕隨為散從員外貞觀初對策及第歷高陵縣簿十一年駕幸東都穀洛泛溢上封事極言得失太宗稱善擢為宏文館學士拜魏王府功曹府廢出為湘潭令常為塵影賦甚工奉詔撰述聖賦又獻惟皇誠德賦與李百藥齊名

植 見姓纂辯證路史

十國春秋南漢劉鋹大將植廷曉與招討使郭崇岳統軍六萬屯馬遷既而潘美入與王府廷曉戰死

氏姓謹植士謙潁州人洪武中任興寧縣教諭植軒湖廣人正統中文昌知縣植璉容縣人弘治中任香山縣丞植璽安義人嘉靖中任松谿縣丞植廣陽朔人永樂舉人按士謙吳任臣作植謙誤植廣凌廸知作直廣

邛州志植敏槐字穉青順治辛卯舉人明季寇屠邛郡書籍多毀敏槐家藏凡記存要一書潛心研究畧無遺忘諸生治凡記者皆賴以傳築室白鶴山教授生徒二十餘年學者稱鶴山先生又邛州貢生植拱陽官新寧教諭

程含章嶺南集有酬封川植九模明經詩

植黎氏

後魏書蠕蠕別帥植黎勿地來降

殖

左襄公十六年傳夙沙衛連大軍以塞隧而殿殖綽郭最曰子殿國師齊之辱也子姑先乎乃代之殿衛殺馬于隘以塞道晉州綽及之射殖綽中肩兩矢夾脰曰止襄公二十五年衛人侵戚東鄙孫氏愬于晉晉成茅氏殖綽伐茅氏殺晉成三百人孫蒯追之雍鉏獲殖綽又云齊莊公朝指殖綽郭最曰寡人之雄也州綽曰君以為雄孰敢不雄然臣不敏平陰

之役先二子鳴莊公為勇齋殖綽郭最與焉州綽曰東閭之役臣左驂迫還于門中識其板數其可以與此乎

印藪漢有殖廣

隨經籍志志怪記三卷殖氏撰

力 見姓苑

論語摘象輔力墨受準斥宋均注力墨即力牧按帝世紀黃帝夢見大澤有持千鈞之弩牧羊者曰是必有異力者已而得力牧以為將

荀卿子模母力父是之喜注力父古之醜人也

王莽傳東海人力子都以饑饉相聚起於琅邪轉鈔掠衆數萬遣使者發郡國兵擊之不能克光武時為徐州牧按袁宏記作刁子都前漢書亦作力劉攽刊誤云宜作刁音凋非也英賢傳漢有魯王相力顯按一作力題

大唐新語力僧護江陵人父昌死其母欲從俗薦父家貧不能悲哭僧護年五歲謂母曰何不賣兒易錢母哽咽抱兒出市賣與蜀客得錢二貫薦之母卒以憶子目盲僧護至蜀三十年繼父母亡每念親母痛死者數後至江陵尋母見之齋祈天地為母舐目目復明人以為孝感

氏族畧五代有力彥能權潤州事宋有力珪承事郎僉判潮州力齊晉江人紹興四年特奏名

奇姓通力魁臨淄人永樂舉人知勛陽縣弟助亦官知縣力誼順昌人宣德中任尉氏縣丞力叔明閩清人弘治中任龍門縣主簿力晟宿遷人萬厯中任四川榮縣主簿

物 此姓諸書無今補按路史引世本云初世本作物應劭漢地理志云子姓國初氏音力

食 見姓謹

衛志策富術謂殷順且曰始君之所行於世者食高麗也

風俗通漢有博士食于公河內人按儒林傳作食子公蔡誼以韓詩授食子公與王吉吉為中尉食生為博士由是韓詩有王食之學釋文云為博士傳蔡誼尚書授太山栗豐燕人也陸璣詩疏食子公授韓詩于泰山栗豐

氏姓謚宋有食良弼知靖江軍兼廣西經畧使

食我氏見路史

食其氏見路史

息

見姓苑

左莊十四年傳楚子如息以食入享遂滅息以息媯歸生堵

敖

左襄二十五年楚令尹子木伐舒鳩子疆息桓子提子駢子

孟帥左師以退

晉書桓公以豫章改封息昇為桂陽郡公

晉書周訪已禽杜曾欲致之於朝息昌息亂乞曾以報寃共

腐食之

唐李太白集有流夜郎還示息秀才詩

氏姓謚息洪

一作治

東光人弘治元年任寶應縣丞由監生如

皋主簿昇息光東光人弘治中任儀封縣丞息昭博興縣人

貢生嘉靖中官知縣

希姓錄成化中有襄陽人息英為響馬賊

東光志息隆泰諸生也方明李世隨父官文安訓導值亂兵至與父俱出避遇兵方殺人隆泰身被數創尚勉強負父走匿深林中流血數升死

通州志息如洵東光人雍正間任通州學正

息夫氏見風俗通

風俗通漢有光祿大夫息夫躬世居河內按躬字子徽為博士弟子受春秋後因董賢告東平王謀反封宜陵侯後坐祝

詛誅先作絕命詞

全唐詩有息夫牧為蕭穎士門人有詩按牧有冬夜宴蕭十丈因餞殷郭二子西上詩序

式 見姓苑

呂氏春秋有式夷按一作視夷

晉 見風俗通姓苑路史

僭 此姓諸書無今補集韻僭同晉姓也

蕃 見潛夫論路史

棘 見文士傳

鹽鐵論文學曰紂之時內有微箕二子外有膠鬲棘子
論語衛大夫棘子成按蜀志作草子成古字通

金史楊安兒之將棘七率眾四萬陳于辛河

弋 見姓苑

氏族畧宋弋子元太平興國二年登進士第官至殿中侍御
史

氏姓謹弋定遠嘉興人洪武中薦舉任交趾副使弋斌通州
人永樂進士任御史

四川志弋福南充人成化進士弋中和南充人永樂進士

陝西志弋恂江陰人永樂中知鳳縣公勤盡職吏民信服

代州志弋謙代州人永樂九年進士除監察御史出按江西

言事忤旨貶峽山知縣復坐事免歸仁宗在東宮素知謙骨

鯁及嗣位召為大理少卿直陳時政言官吏貪殘政事多非

洪武之舊及有司誅求無藝帝多採納按王元美別集謙官

交趾右布政使又弋福代州人成化丁未進士

景州志弋瑄字廷玉成化進士官南京刑部尚書

山西志弋正安邑人萬曆中河東運同子千仞丙子舉人

題名錄弋英獻縣人順治間進士官御史弋照安邑人乾隆

丁巳進士

弋門氏見姓苑

按劉寬碑陰門人名有廣成令漁陽路弋門樊弘盛

翼見風俗通路史

吳越春秋楚有翼侯善射

風俗通漢有諫議大夫翼奉按翼奉字少君下邳人治齊詩尤精律麻陰陽之術以中郎為博士諫議大夫以壽終漢執文志孝經有翼氏說一篇隨志翼氏占風一卷風角雜占五奇圖五卷風角要候十一卷

水經注范瑩水西北流至翼廣成昔晉軍北入翼廣築之因即其姓以名之

水經注有恬漠先生翼神碑

秦州志翼琛秦州人成化中直隸清河縣教諭按王元美集作秦州人

即見風俗通路史

風俗通漢有單父令即賈按賈氏族畧作費

舊唐書燕欽融傳定州人即爰上書言韋后及宗楚客將為逆亂之狀中宗不納韋庶人勸杖殺之按今唐書作郎爰誤

氏族畧列作即爰也

即墨氏見風俗通

風俗通漢有城陽相即墨成齊人受易於田何按即墨成見

儒林傳

晉廣成將軍缺產碑陰有司馬京兆石安即默歆按即即墨

也

即利氏見路史

姓篡戴公時大夫即利渠彌

稷

見風俗通姓苑

風俗通漢有上津令稷嗣

稷上氏見姓苑

神仙傳漢有稷丘子按列仙傳稷丘君太山下道士也成帝

時以道術受賞賜髮白更黑齒落更生又事類賦琴篇引作

稷丘公萼山道士也誤矣

圃

姓苑源韻謹圃入姓也音逼

極

見姓苑路史

特

見姓篡

左傳晉七輿大夫特宮國語特宮與叔堅離歆纍虎山祁等

皆里克丕豹之黨

金史交聘表宋以鄂州觀察使特立來告哀

特勒氏此姓諸書無今補

舊唐書突厥傳突厥酋長特勒大奈太宗貞觀三年來降封
實公

万 見官氏志

万俟氏見官氏志

北史万俟醜奴高平鎮人于魏永安元年七月反自稱天子
建號神虎以万俟作為僕射三年四月尔朱天光禽斬之万

俟道洛帥眾逃入山中天光禽之斬于市又醜奴之黨万俟

阿寶見李賢傳

北齊書万俟普字普撥太平人其先匈奴之別種也雄果有

武力正光中破六韓拔陵構逆授普太尉率部下降魏授後

將軍弟二領大酋長齊神武起義普遠通誠歎神武甚嘉之

斛斯椿逼帝西出授司空秦州刺史據覆靺城神武平夏州

普乃率其部落來奔神武躬自迎接授普河西公累遷太尉

朔州刺史卒子万俟洛字受洛干豪壯有武藝騎射過人為

鄉閭所伏拔陵反隨父歸順除顯武將軍隨尔朱榮每有戰

功累遷汾州刺史驃騎將軍及起義信都遠逆誠款神武嘉其父子俱至甚優其禮除領軍兼靈州刺史武帝入關除左僕射天平中隨父東歸封建昌郡公再遷領軍將軍與諸將圍獨孤如願于金鋪及河陰之戰並有功神武嘉其父普尊老將禮崇之嘗親扶上馬洛免冠稽首曰願出死力以報深恩及此役也諸軍北渡橋洛以軍不動謂西人曰万俟受洛千在此能來可來也西人畏而去神武以雄壯名其所營地為回洛城洛慷慨有氣節勇銳冠時當世推為名將興和初卒按西魏書作壽樂平千

周書詔云趙貴不悅于朕與万俟幾通叱奴興長孫僧衍等圖危社稷

唐集賢記注万俟餘慶德宗時万俟著為朱泚殿中侍御史按唐書侍御史万俟著開金高運路重圍既解諸道貢賦繼至通鑑作萬俟著誤矣

予宗集誥右威衛執戟天馬監副監万俟承暉按承暉以楊慎矜事坐竄徙

舊唐書懿宗紀以前大理正万俟鎔為國子司業

氏族畧宋有万俟湘太平興國登科万俟虎宣和間司法參

軍万俟偁由奉直大夫楊武縣男知廬州參軍万俟湜大觀
中知護州公勤清約有善政人稱云前有方琪後有万俟
宋耀州華原縣孫真人祠記元豐四年辛酉勅海万俟祐立
石跋云大定九年歲次己丑七月乙卯朔初八日壬戌万俟
善深並弟衍重建又云万俟善深男端並弟彥拾財立石
黨人碑有万俟正按沈本作莫决正饒本及新編俱作莫俠
續資治通鑑崇寧五年正月庚戌選人吕亮卿等注作万俟
正

宋史万俟偁高宗時官御史字元忠開封陽武人秦檜等謚

忠靖

勅

勅力氏此姓諸書無今補

魏書高車别帥勅力鞬率九百餘落内屬拜勅力鞬為揚威
將軍按鞬一作健

勅門氏見姓苑按一作刺門

敕

見姓苑

姓苑後魏合浦公敕勅東夸人按一引云敕勅勅北魏人

德

見姓苑

百官表有水衡都尉德遷

集古印謚漢有德義

得

阿文成公年謚雲南夸目得魯蘊

黑

見姓謚

列子魏黑卯以暱嫌殺丘邴章其子來丹謀復仇誓手劍以屠黑卯黑卯悍志絕眾力抗百夫筋骨皮肉非人類也延頸承刃披胷受矢芒鏑摧屈而體無痕負才力視來丹猶雛殼也

山西志黑夏太原人常德百戶父俊功勝千戶

四川志黑光翰寧陽人弘治舉人

河南志黑禧河南人嘉靖中光祿署丞黑士元洧川人嘉靖丙午舉人黑元龍固始人狼山參將

氏姓謚黑孟陽神電衛人隆慶中遼東千戶升參將

明史王之誥傳俺答入石州之誥令山西總兵官申維岳參將劉寶尤月黑雲龍四營兵尾之南下而檄大同總兵官孫吳山西副總兵田世威等出天門關過其東歸

明史世宗四十一年土蠻攻湯站堡副總兵黑春力戰死又

黑尚仁仕參將為賊圍被執不屈死

南通州志崇禎三年知州黑星

甘肅志黑子奉天人康熙五十二年任洪水營游擊

黑肱氏見路史

黑肩氏見路史

黑齒氏見魏志東夷傳

唐書黑齒常之百濟西部人長七尺驍毅有謀畧為百濟達
率兼風達郡將猶唐刺史高宗龍朔中降儀鳳時以功擢河
源軍副使調露中吐蕃使贊婆入寇屯良非川李敬元之敗

常之引精騎三千夜襲其軍贊婆等單騎遁即拜經畧大使
常之因建言河源當賊衝宜增兵鎮守而運饟須廣乃斥地
置鋒七十所開田五千頃歲收粟斛百餘萬由是食衍士精
戍邏有備凡莅軍十年吐蕃不敢窺邊後為燕然大總管周
興誣與右鷹揚將軍趙懷節反繫獄投繯死人皆哀其枉

墨

白虎通禹師墨如按或謂即墨怡也

呂氏春秋司馬喜難墨者師于中山王前

舊唐書僖宗紀以右武衛大將軍墨冲謙為左金吾衛大將

軍

馮延巳墨崑崙傳墨君和真定人幼名三旺按唐王鎔傳有屠者墨君和即其人也李匡威劫王鎔入府會大風雷雨屋瓦皆震匡威入東偏門鎖之親軍閉之有屠者墨君和自缺垣躍出拳毆匡威甲士挾鎔于馬上負之登屋鎮人既得鎔攻匡威殺之

一統志墨麟字士楨高陵人洪武中以國子生擢監察御史升北平按察副使永樂初以守城功升兵部侍郎尋兼少詹事卒贈少保謚榮毅按陝西志麟洪武甲子鄉舉永樂初由

副使升刑部右侍郎與一統志異

高陵志墨春高陵人景泰癸酉舉人官隰州知州

山西志墨芳廣陵人宣德舉人

涼州府志成威有庠生墨香

墨夷氏見世本

世本宋襄公子墨夷須為大司馬其後有墨夷畢按畢即皋字

風俗通宋大夫有墨夷須墨夷鴻墨夷皋

墨胎氏見風俗通

韓詩外傳孤竹君姓墨胎名初字子朝按春秋少陽篇云伯夷名允字公信叔齊名智字公達謚夷齊伯叔又其長少之字又按允一作元智一作致

墨台氏見姓纂國名記

氏族畧漢書有墨台館按漢書無此人

符子平原陶丘氏取渤海墨台氏女女色甚美才甚令己生一男而歸母丁氏年老進見女聾女聾既歸而遣婦臨去請罪夫曰曩見夫人年德以良非昔日比亦恐婦老後必復如此是以遣實無他故

默 見姓苑路史

陝西通志默思道新樂人嘉靖中陝西扶風縣丞按王元美集作新和人

默容氏見複姓錄

媿 見姓苑

則 見姓苑

莊子則陽游於楚夷節言之于王王未之見夷節歸彭陽見王果曰夫子何不譚我于王王果曰我不若公閱休注則陽字彭陽一云姓彭名陽字則陽周初人

印藪漢有則長

蒯 此姓諸書無今補

五代史契丹將舍利蒯骨皆為明宗將趙德鈞所禽後
遣蒯骨歸按楊光遠傳初唐兵破王都于中山得契丹大將
蒯刺等十餘人後通和遣使求蒯刺等楊光遠諫以為不可
乃不遣薛史作札拉等舍利管軍頭目之稱

或

或軻氏見路史

側 見姓苑路史

勒 見姓証

冀州刺史王純碑陰諸門生名有渤海勒仲舉

集古印証漢有勒尊

晉書鎮南將軍王廙有騎督勒滿破張昌於隨郡按一作勒
蒲

後燕錄慕容皝伐西燕慕容永遣右將軍勒馬駒率眾萬
餘人戍臺壁

張燕公集勒思齊歷陽人或后召見奇之授為游擊將軍按
李白詩作勒思齊

氏姓謹勒思恭餘千人洪武間任蒲田縣教諭

甘肅志勒志敏狄道人宣德中任館陶縣丞慈惠臨民民多

愛之按狄道志作士敏任曹縣主簿孫璽字荆玉成化己丑

進士任主事凌迪知王元美均以勒璽為曹縣人誤矣

縉紳錄嘉慶時懷慶拔貢勒聖選任杞縣訓導

渭南縣志生員勒布夔妻孫氏守節

塞

見西域傳姓苑

博古圖有塞公之鼎

北

見姓苑

北門氏

莊子北門成問於黃帝曰帝張咸池之樂於洞庭之野吾始

聞之懼復聞之怠卒聞之而惑蕩蕩默默乃不自得帝曰汝

殆其然哉吾奏之以人徵之以天行之以禮義建之以太清

注北門成黃帝臣

鬻子湯七佐北門側

尸子北門子

說苑翟璜曰酸棗無令臣進北門可而魏無齊憂

北宮氏見姓纂

按左成十七年傳北宮括救晉侵鄭括即北宮懿子事獻公世族謚成公曾孫括子二佗遺佗初事獻公後事襄公靈公謚文子遺事殤公為晉所執謚成子又北宮喜昭二十年如晉葬平公公孟繫惡之因滅齊豹生謚貞子定元年經齊人執衛行人北宮結以侵衛十四年來奔系未詳

莊子北宮奢為衛靈公賦斂以為鐘為壇于郭門之外三月而成上下之縣王子慶忌見而問焉曰予何術之設奢曰一之問無敢設也奢聞之既雕既琢復歸于朴

孟子有北宮黝北宮錡按淮南子主術訓有北宮子注齊人即孟子所謂北宮黝也

齊策趙威后問齊使者曰北宮之女嬰兒子無恙耶徹其環瑱至老不嫁以養父母是率民而出于孝情者也

列子北宮子庇其蓬室若廣廈之蔭也又云西門子謂東郭先生曰北宮子年貌言行與子並
子華子有北宮意能傳其道

佞幸傳孝文帝時北宮伯子以愛人長者顏云姓北宮名伯子正義謂北宮之宦者非也

張奐傳靈帝時有涅中義從胡北宮伯玉立為將軍劫質金

城人邊章韓遂

漢穀阮碑陰郡吏有北宮世平北宮季弟北宮子祿北宮阿
猛

漢翼州刺史王純碑陰門人名有北宮文紀

晉書河西太守北宮協前涼護軍北宮蒯又北宮純為張軌
將軍執使純護衛京師屢有戰功後降劉淵

北郭氏見姓源韻譜

左襄二十八年傳盧蒲嬰使析歸父告北郭子車子車曰人
各有以事君非佐之所能也杜注佐子車名

昭二十二年北郭啟帥師伐莒杜注啟北郭佐之後

呂氏春秋齊有北郭騷者結采芟捆蒲葦織菴屨以養其母
猶不足踵門見晏子曰願乞所以養母晏子之僕謂晏子曰

此齊國之賢者也其義不臣乎天子不友乎諸侯於利不苟
取於害不苟免今乞所以養母是說夫子之義也必與之晏
子使人分倉粟分府金而遺之辭金而受粟有間晏子見疑
於齊君出奔過北郭之門而辭北郭騷沐浴而出見晏子曰
夫子將焉適晏子曰見疑於齊君將出奔北郭子曰夫子勉
之矣晏子上車太息而嘆曰嬰之亡豈不宜哉亦不知士甚

矣晏子行北郭子召其友而告之曰說晏子之義而嘗乞所以養母焉吾聞之養及親者身仇其難今晏子見疑吾將以身死白之著衣冠令其友操劍奉笥而從造於君庭求復者曰晏子天下之賢者也去則齊國必侵矣必見國之侵也不若先死請以頭託白晏子也因謂其友曰盛吾頭于笥中奉以託退而自刎也其友因奉以託其友謂觀者曰北郭子為國故死吾將為北郭子死也又退而自刎齊君聞之大駭乘驛而自追晏子及之國郊請而反之晏子不得已而反聞北郭騷之以死白已也曰嬰之止豈不宜哉亦愈不知士甚矣

韓詩外傳有北郭先生列女傳有北郭先生

說苑田成卿曰忌舉北郭刁勃子為大士而九族益親

北殷氏見史記路史

北旄氏見世本

北唐氏見世本英賢傳

風俗通漢北唐子真治京氏易

英賢傳晉有高人北唐越

北人氏見廣韻

莊子舜以天下讓其友北人無擇北人無擇曰異哉后之為

人也居於猷詠之中而遊于堯之門不若是而已又欲以其
辱行漫我吾羞見因自投清冷之淵按無擇呂覽作止擇古
今字

北鄉氏見姓苑

北野氏見姓苑

北丘氏見姓苑

北附氏見姓苑

北海氏見英賢傳

英賢傳田和有大夫北海子高按氏族畧以為吳大夫誤

國

見左杜注

按齊上卿國歸父謚莊子懿仲之子也歸父子國佐是為國
或子子勝嘗奉使告難于晉佐次子國弱是為國景子子國
夏佐之孫謚惠子夏子國書亦齊卿艾陵之戰吳敗高無丕
書敗胥門巢吳卒敗之大敗我師獲書及公孫夏閭丘明陳
書東郭書國書之子國觀與陳瓘救衛檀弓有國子高國昭
子系未詳春秋分記云歸父生佐佐生二子曰勝曰弱弱生
夏夏生書書生瓘瓘生高父

左傳邢有國子為仇至殺

韓非子國羊重于鄭君聞君之惡已也侍飲因先謂君曰臣不幸有過願君幸而告之臣請變更則臣免死辜矣

漢書徐防傳注王莽置六經祭酒各一人秩上卿長安國由為講易祭酒按亦見王莽傳郊祀志由由議郎為諫大夫也袁宏漢紀帝遣大中大夫來歙持節送馬援國游光至長安怨家殺游光其弟為隗囂雲旗將軍來歙恐其怨恨即與援俱還長安又云馬援與拒蜀侯國游光俱奉章詣京師初到召詣尚書有頃中黃門一人引入光先二字不同

魏志司空掾國淵字子尼樂安人師事鄭玄後遷魏郡太守太僕卿祿賜散之親故宗族以恭儉自守卒官魏書太祖以其子泰為郎按鄭玄別傳云淵始未知名予稱之曰國子尼美才也吾觀其人必為國器

晉書有國欽又按秦始中遣五官中郎將國坦授鄭袤司空吳苑南平國岳在姑孰有鬼附之每占吉凶輒先索琵琶隨彈而言事有驗或云是老鼠所作名曰靈侯

氏族畧國鳳卿紹興初通判濠州金人犯城守者棄城鳳卿抗敵不屈死國幼聞朝奉郎國宗元登進士第國宗堯屯田員外郎國鼎臣海州人國經橫州人國宗下邳人

渭南志國璧武邑監生正統初知渭南縣為政仁恕有方服
闕後民數百人赴闕奏求後任在渭九年德政被民沒世不
忘

湖州府志國臻武城人正統中由監生任長興縣丞臨民平
易九年升本縣令行禁止後官工部郎中

泰興縣志國時敬延慶人萬曆二十四年由選貢任泰興縣
丞

江西志國用廬陵人天順中御史

山東志國瑀濱州人成化丁未進士官御史國盛淄川縣人

正統戊辰進士工科給事中升左通政使當時稱得大臣之
體

題名錄國士虞安肅縣人成化壬辰進士

縉紳錄本朝嘉慶時國琦貴州人任平涼城守營遊擊

國筮氏

漢藝文志縱橫家有國筮子十七篇按國筮子乃人姓名著
書即以為名如尹文子隨巢子之類或直以為書名非也

朮

見統證

錢

見姓苑

識 姓纂識人姓

色 此姓諸書無今補

縉紳錄色錫齡浙江人捐訓導

鄙 見路史

寔 見姓苑

億 見姓苑

虞 見姓苑

翊 見姓苑

克 見姓苑

縉紳錄嘉慶時興寧營二司把總克容光廣東人

楚 見姓苑

審 見海篇直音音墨姓也

偏 見路史

左文公六年傳趙孟曰杜祁以君故讓偏姑而上之注偏姑

姑姓之女生襄公為世子故杜祁讓使在己上

偏陽氏見左襄十年傳國語世本

姓韻

十四緝

緝 此姓諸書無今補

按金史烏林答胡土傳有澤人緝麻甯武錄事等行却是漢人姓有緝也

習 見風俗通姓苑姓纂

風俗通漢有陳相習響

襄陽記習郁于峴山南依范蠡養魚法作魚池當中築一釣

武威張

澍纂

臺將亡勅其兒煥曰必葬我近魚池郁為侍中時從光武幸
黎陽與帝通夢見蘇領山神光武嘉之拜大鴻臚錄其前後
功封襄陽郡侯使立蘇領祠刻二石鹿夾嶺百姓謂之鹿門
襄陽記習融有隱德子郁字文通族子禎字文祥仕劉先主
雒陽令進廣漢太守為零陵北部都尉死難温為荊州大公
平甚得州里之譽仕至廣州刺史子宇為執法郎

襄陽記習珍為零陵北部都尉孫權殺關羽諸縣響應珍舉
兵權遣潘濬討珍珍曰我必為漢鬼不為吳臣月餘糧盡曰
受漢恩厚不得不報之以死遂仗劍自殺先主聞之哀悼贈

邵陵太守

蜀志注習禎字文祥隨先主入蜀麻維那令南廣漢太守有
風流善設論子忠亦有名官尚書郎忠子隆為步兵校尉掌
校秘書

初學記習嘏有長鳴雞賦按嘏習珍之後仕晉為臨湘令山
簡辟為功曹

吳志丹陽太守李衡妻習氏諫衡勿侵琅邪王後王即位衡
又欲奔衛習氏勸令自囚詣獄表列前失顯求受罪如此乃
當逆見優饒

魏畧南郡習授與妻圭同載

晉書習鑿齒字彥威為桓溫別駕著漢晉春秋五十四卷符
堅克襄陽獲習鑿釋道安見之大悅曰昔晉平吳利在二陸
今破南土獲士一人有半蓋刺其塞也子辟疆有文才
魏書王慧龍西上江陵依叔祖忱故吏荊州前治中習辟疆
按即鑿齒之子

吳大安寺鐵爐款識有習拯習衙娘

氏族畧習之威寶慶進士習勝已吉水人嘉定進士

氏姓誼習成廬龍人洪武中以才能擢用仕至湖廣按察僉

事習韶字尚鏞永豐人洪武中知長樂縣撫民以德升兵部

郎中

江西志習嘉言名經以字行新喻人永樂進士翰林編修并
脩經世大典通鑑直解兩朝實錄麻侍讀太常卿詹事府詹
事為人篤實沈重封章皆切時政

題名錄習侃新喻縣人永樂乙未進士習孔教廬陵人隆慶
戊辰進士習孔化廬陵人萬厯己未進士習家駒嘉靖己丑
進士分宜人按孔教官國子司業家駒任新蔡知縣

謂此姓諸書無今補

莊子黃帝見大塊謂朋前馬按釋文一作謂虜黃帝本行紀
亦作謂虜

集 見風俗通

風俗通漢有外黃令集一按近人引廣韻作集壹非也

漢藝文志易有集氏注

氏族畧宋有幽州人集守節官衡州都監

隰 見潛夫論

管子管仲曰天之生隰朋以為夷吾舌也又曰登降揖讓進
退閑習臣不如隰朋請以為大仁呂氏春秋管子曰隰朋之

為人也上志而下求醜不若黃帝而哀不已若者其于國也
有不聞也其于物也有不知也其于人也 有不見也勿已乎
則隰朋可也按荀子管仲曰隰朋為人堅中而廉外少欲而
多信堅中足以為表廉外可與大任少欲則能臨其眾多信
則能親隣國此霸王之佐也

左襄公二十五年傳晉侯伐齊齊使隰鉏請成杜注鉏隰朋
之曾孫

昭十四年傳蒲餘 茲大殺公意恢郊公奔齊公子鐸迎庚
輿于齊齊隰黨公子鉏送之有賂田

說苑杞梁華舟至莒城下莒人以炭置地二人不能入隰朋
重為右曰吾聞古之士犯患涉難者其去遂于物也來吾踰
子隰重杖楸伏炭二子乘而入顧而哭之

韓非子隰斯彌見田成子成子與登臺四望三面皆塲南面
隰子家之樹蔽之田成子亦不言隰子歸使人伐之斧離數
創隰子止之其相室曰何變之數也隰子曰古者有諺曰知
淵中魚者不祥夫田子將有事事大而我示之知微我危矣
不伐樹未有罪也知人之所不言其罪大矣乃不伐也

立

見姓纂

漢北海相景君碑有立遷

氏族畧唐有長興今立述本按一引作立述無本字又一引
作立本無述字

氏姓謚立述盧龍人洪武中知長治縣立子才漢中人洪武
中知潁上縣立陵蘭陽人永樂中官湖北右布政使立淵大
治人永樂中舉楷書授內閣中書立望順義人弘治中鳳陽
府經歷

立如氏見風俗通

風俗通魯有賢人立如子著書按姓苑魯作漢誤

汲 見風俗通廣韻

風俗通漢有中尉汲黯為淮陽太守按漢書汲黯字長孺河東人出為淮陽太守弟仁官至九卿黯子偃為諸侯相

朱雋傳汲廉為彭城相與琅邪相陰德東海相劉墮共奏記于朱雋

劉寬碑陰門生名有序丘長陳留平丘汲政孝方

集古印誼漢有汲得

晉書羣盜汲桑平陽人盛夏累袒使人扇不涼輒斬扇者後

為薄盛斬于樂陵

前涼錄謝艾斬麻秋將汲魚

魏書孝文時汲固梁城人為兗州從事刺史李式坐被收固匿其子憲至十餘歲後遇赦乃出高祐嘉固節義以為主簿魏書杜元寶謀反誅朝議欲追削超爵位兗州故吏汲宗等以道傷遺愛在人前從坐受誅委骸土壤求得收奠書奏詔義而聽之

御史臺記汲師滑州人自涑水尉拜監察御史大夫時李乾祐為萬年令師按縣獄乾祐差池而出晚師怒不顧而去銜

之乾祐尋巡察韋務靜與師鄉里充乾祐判官會制書拜乾祐中丞乾祐顧謂務靜曰色子可出矣足下可入矣遂左授新樂令性躁率時直長李冲寂即高宗從弟也帥將彈劾之呼為弟冲寂謂之曰冲寂主上從弟公姓汲于皇家何親而見呼為弟師慚而止嘗監享太廟責署官將彈之署官徹曉伺其失汲履赤舄如廁共訐之乃止

氏族畧宋有汲熙載尚書郎知滁州

金氏楊安兒與汲政乘舟入海為舟人曲成擊之墜水死

氏姓謹汲時學石樓人弘治中任邯鄲縣丞汲瑄邳州人嘉

靖中任成安縣丞汲宛福清人萬曆中任壽州判官

汲 見路史

及 見姓苑路史

五代史及永德為周將

宋史六谷蕃部及者龍與李繼遷戰繼遷敗中流矢

西寧志及宦字士顯交河縣人正德甲戌進士任西寧道駐

涼州後官戶部侍郎子萬祺順天府通判

狄道志及第狄道人永樂丁酉科進士官兵部司務

按乾隆間及毓鳳官山西崞縣知縣及永圖拔貢任新河縣

教諭河間府志及劾恩貢及擢拔貢紀曉嵐昉說部所言及孺愛及友聲皆言其字非名也均交河人及木氏見路史

襲 見風俗通華陽國志

華陽國志張飛攻巴西功曹襲謀迎飛

風俗通漢有益州將襲蓋卿

呂蒙傳益州將襲肅孫權奪肅兵與蒙蒙威稱肅有膽用兵可益不可奪權從之按希姓錄作襲繡誤

水經注襲乡之漢壽人有晉徵士臨沅縣南有墓石大元中

車武子立接近刊本作龍誤晉書龍乡之字道乡父登麻長沙相散騎常侍子元嘉亦有德操不仕

徐康晉志桓温參軍襲護戰没于笮橋

晉書劉琨傳上黨太守襲醇降劉聰按惠帝紀作麗淳十六

國春秋作劉惇又朱伺平蜀賊襲高

豫章記襲仲儒女病積年氣息才屬幸靈以水啜之立時大愈

南史襲為為大梁大夫

宋史大寧人襲蓋卿以明經擢第往師朱元晦明義理之學

入諫垣為右正言按困學紀聞周子靜為學官小司成襲蓋
卿以守氣不如守約命題經義考蓋卿字夢錫衡州人朱子
傳詩礼弟子全紹衣云南軒弟子

閩書襲錡字台鼎一字良器建安人博學善詩字画適勁官
翰林編修

陝西志襲世榮藍田人三舉科

麻城志襲勛字克懋萬麻中任揚州府訓導課士有條理按
王元美集作襲勛其婦景孺人墓誌云予友濟南李于鱗數
稱鄉人襲勛克懋克懋司訓揚之江都池北偶設襲勛字克

懋一字懋卿章丘人少貧牧豕年三十始補諸生時邑中李
太常伯華乘西野崇冕方尚金元詞曲勛謂傷雅道獨與濟
南殷正甫李于鱗許殿卿為古文辭相友善年六十以歲貢
仕江都縣訓導遷威寧教諭開平衛教授歸五年卒所著有
懋卿集太極圖解性命辨劉尚書白川稱為朱元晦功臣王
伯安諍友云勛父彪嘗以輸租詣京師見遺錢百緡于道輦
載而馳及前遺錢者付之徑去

題名錄襲世寬會稽人康熙丁丑進士

戡 見姓苑

左傳楚有盧尹戡犁公子雙子儀作亂莊王出將如商密道
盧戡殺變儀而以王歸按國語盧戡犁殺二子而復王韋注
盧楚邑戡黎盧大夫別犁以戡氏也二子變及儀父也左傳
無父字

四川志戡如止字敬之簡州人嘉靖乙丑進士官給事中戡
爾庶簡州監生官溧陽縣知縣按王元美集汝止官參議
澗寧屏山縣時有民戡榮又戡明陽亦簡州人捐從九

浥

印藪漢有浥安

邑

此姓諸書無今補

河圖錄黃帝臣邑夸法斗旋魁方杓直以攜龍角作大輅

水經注徐水逕郎山君中子觸鋒將軍廟南廟前有碑晉惠

帝永康元年八月十四日壬寅發詔錫君父子法祠其碑則
劉曜光初七年前頓丘太守郎宣北平太守陽平邑振等共
修舊碑刻石樹頌焉按前趙錄劉聰前頓丘太守郎宣北平
太守楊平邑振等共脩徐水廟舊碑刻石樹頌即此人也
臺灣記畧提督軍務張雲翼奏于福建鄉試正額外另廣一
名以待臺灣之士邑星燦登庚午榜

邑由氏見英賢傳廣韻

英賢傳晉東莞莒縣人邑由養真

邑裘氏見姓纂按此說誤宜刪

邑里氏見姓苑

什 見千姓編

揖 此姓諸書無今補

按韓詩外傳昔者揖封生高商善歌以縣駒為揖封高堂為

高商與孟子異

急 見姓苑

按南詔德化碑有大將軍急麻如是急乃南蠻姓也

給 見姓苑

拾 見姓苑

鎮江府志元有拾得為宣撫使

執 見姓苑

隨巢子執無鬼曰越蘭問隨巢子曰鬼神之智何如聖也

隨書長孫晟留染干達官執室以領其眾自將染干馳驛入

朝

執笞缺下 豆西嶽題名文云執笞豆為國討叛思契丹懇祭

敬拜牢餼畢陳所期感通昭鑒不昧云云太和二年八月十
八日男守左驍衛倉曹參軍上柱國賜緋魚袋方參侍從朝
覲按此題執下字缺其半以名氏度之似吐蕃將臣于唐者
缺字似為邊字
執失氏見唐書

唐書執失思力為突厥頡利之臣降仕為左衛將軍定襄州
都督 馬尚高祖女九江公主生紹德紹宗歸仁歸真按唐
書貞觀八年弄贊發兵擊土谷渾破党項白蘭諸羌率其眾
二十萬進頓松州西境邊人大擾太宗遣侯君集執失思力

牛進達劉蘭率步騎五萬以擊之又云乃詔吏部尚書侯君
集為行軍大總管出當彌道右領大將軍執失思力出白蘭
道右武衛大將軍牛進達出閣水道右領軍將軍劉蘭出洮
河道並為行軍總管率步騎五萬進討後官左驍衛大將軍
又太宗逐鹿于後苑執失思力諫曰天命陛下為華夸父母
奈何自輕上又將逐思力脫巾解帶固諫上為之止後坐與
房遺愛交通流嶺表

按李德裕集有右金吾衛果毅執失守直

按唐昭陵陪葬有右監門將軍執失善

執失代氏見氏族畧

泣

泣伏利氏見唐書路史按一作泣別利氏

入

池北偶設明有指揮入通按明有禮部主事八通江寧人然
指揮與主事當別一人也

笠

見統誼按此非姓宜刪

十五合

合

見姓誼

氏姓誼合舉大同人宣德中知雞澤縣合轍壽州人成化貢
士合通應天人天順舉人合澄弘治舉人合鸞正德中知蒙

陰縣均應州人

題名錄合揆臨安府河西縣人雍正丁未進士

合博氏見漢書注

漢功臣表賞齊侯合博胡害以越戶將從破秦入漢定三秦
以都尉侯子共侯方山生煬侯赤赤生康侯遺遺生猜國除
賞音式制反

郤

見官氏志

鐘鼎款識邵姬作寶彝按紹興古器評作邵姬馬

頷 見左傳姓苑頷音閣

始 見姓苑氏族畧

哈 見千姓編

氏姓謚元哈珊常德人為郡監有善政每運輸民艱以肩荷
乃從北門外至潛水十五里開河以便民歲旱得以溉田民
甚賴焉哈都固安州人幼孤養母母嘗有疾乃礪刀割取右
脇肉一片作羹以進病遂愈

明史袁彬傳有哈銘者蒙古人幼從其父為通事至是亦侍
轉達

帝帝宣諭也先及其部下常使銘也先輩有所陳請亦銘為
山西志哈新民長葛人洪武初任御史子安民洪武中以人
材任給事中

四川志哈永森瀘州人弘治中任茶陵州判官

甘鎮志哈維新崇正中為甘州撫標中軍十五年十二月李
自成屠慶陽進逼甘州維新與巡撫林日瑞總兵馬燝並死
難福王時贈恤有差

貴州志雍正間有提督哈元生色目人平黔苗有功

四川志哈有儀閣中舉人哈徵以父國祥貴蔭二品蔭生

甘肅志哈仁鳳寧夏人雍正四年任洪水營游擊

澍主講蘭山書院有肄業生員哈珠麟皋蘭人

伶 姓苑伶音殫姓也集韻伶渴合切音庭姓也

盍 見路史

韓詩外傳晉船人盍胥

袁宏漢紀有盍延為屯騎校尉按蔡邕集河間相盍升以朝廷在藩國時鄰近舊恩麻河南太守大中大夫在郡受取數億以上遷為侍中按一作盍升即盍延

論語石經未有盍毛包周按是漢世注論語之儒也包為包咸周為周生烈盍弁毛不得其名

齊諧記盍孟武得諸葛亮雞鳴枕

氏族畧宋有盍簪嘉祐七年以殿中丞知常熟縣事

四川志明劉崇文李貞女銘李娥父仲仁母盍氏以嘉靖庚申十一月十一日生

廬 此姓諸書無今補

唐書回鶻相安允合特勒柴革謀作亂彰信可汗殺之相掘羅勿將兵在外以馬三百賂沙陀朱耶赤心借其兵共攻可

汗可汗兵敗自殺國人立盧駁特勒為可汗

闔 見姓苑路史

次姓謹闔謹蘓州人成化舉人任知縣闔勝先隨州人弘治

中官御史闔英隨州人弘治中官知縣

納 見風俗通姓苑

四川志納臺什邡人永樂中任常德衛千戶按亦見王元美

別集

西寧志納維量西寧人萬曆二十年任甘肅游擊

寧夏志納賦寧夏生員因其姪納舟以指揮從廣武渡官兵

許朝執賦並其子楫族人納坤納稅納福納書等殺于市磔

其家

雲南己亥齒錄乾隆己亥舉人納佩字尔玉建水人

緡紳錄嘉慶時雲南臨安府拔貢納雲鶴任曲靖府訓導

衲 此姓諸書無今補

宋史扈再興傳再興圍唐州獲其廣威將軍衲達

沓 見風俗通官氏志

北史孝義傳沓龍超晉壽人性尚義使永熙中梁將樊文熾

來侵益州刺史遣龍超請援于漢中為文熾所得許以封爵

使誑城中皆龍于攻樓上告刺史有援軍至文熾火炙之至死不撓

沓盧氏見官氏志

塔

此姓諸書無今補

廬州府志塔海畏吾兒人為廬州路總管時飛蝗北來民患之海禱于天蝗引去亦有墮水死者民乏食開廩減直俾民糴之所活甚眾

答

此姓諸書無今補

列女傳陶答子治陶按姓答而官陶邑大夫

鎮江府志答合納安遠大將軍泰定三年任鎮江府總管達

魯花赤

答祿氏

曝書亭集答祿與權傳答祿與權字道夫其先乃蠻部主也

與權博學強記善諧謔中元進士官秘書郎麻河北道廉訪司僉事居河南之永寧洪武六年春授秦王府紀善改監察御史帝賜以羊酒并賜其妻羅衣紵衣各一襲盱眙縣民進進瑞麥一莖二穗凡十六本與權上言為君臣異體同心之象又產于盱眙帝鄉里也宜薦宗廟帝是之秋與權上言伏

義神農黃帝號稱三皇盛德大業被萬世功莫大焉其在祀
典法施于民則祀之今天下社稷宗廟山川百神皆得享其
祭顧躬祀三皇之祀闕焉宜于春躬行祭祀上納其言下廷
臣議于是礼部尚書牛諒議曰三皇開天立極有大功德于
民京都有廟宜令太常掌之伏羲以句芒配神農以祝融配
黃帝以風后力牧配春秋享祀三皇以太牢配以少牢帝乃
命建祿代帝王廟于皇城之西室五中一室以居三皇焉七
年夏出為廣西按察司僉事仍復任監察御史秋與權復上
言古之王者既立始祖廟又推始主所自出之帝祀之于始

祖之廟而以始祖配禘禘也者太也王者之大祭也故推太
王為始祖推后稷以為所自出之帝今陛下受命七年矣禘
祭未舉宜令羣臣參考酌古今而行之帝復下廷臣議僉曰
虞夏商周其始所從出可得而推故禘可行自漢唐以來莫
能名其始祖所自出當時所謂禘不過禘已禘之主序昭穆
祭之乃古之大禘非禘也宋之神宗嘗曰禘者所以審諦祖
之所自出是莫知所自出禘不可行矣今國家追尊四廟而
始祖所自出未有所考則禘難舉行遂止未幾擢翰林院脩
撰尋降典籍九年遷應奉十一年春以老致仕自稱洛上翁

宋文憲濂集翰林侍講學士臣樂昭鳳臣宋濂侍制臣王傑
修撰臣李叔允編修臣朱右趙曠臣朱廉典簿臣瞿莊臣鄒
孟達典籍臣答祿與權臣孫賁修洪武正韻序按與權一作
奕權訛

涇 封氏聞見記佛圖澄姓也此姓諸書無今補

荅 見姓苑按即荅姓也

劄 按甘肅有此姓諸書無今補

縉紳錄伊犁二司把總劄喜

榻 此姓諸書無今補

官生錄有榻登士廣東人捐訓導按廣東姓宜心衣作木者
誤

榻 見姓苑通雅按粵人讀音如萱

氏姓謹榻明德字志學保昌人洪武乙丑入曹監性至孝厥
分宜海寧龍陽三縣皆有聲遷寧國知府務以德化民不尚
刑罰後坐逮降刑部主事榻敏靖遠人弘治貢士

張祐傳弘治中從總督潘蕃征南海寇榻元祖先登有功

榻 此姓諸書無今補

唐書默啜于池都督榻實力胡鼻率眾內附

踏 此姓諸書無今補

按李德裕代劉沔與回鶻宰相書意云紇圪斯專使將軍踏布合祖達干邁悉禾亥義判官元因婆拽汗阿已時等七人

搭 見姓氏誼

姓氏誼搭思衡陽人宣德中任教諭又搭氏衡州衛千戶搭忠女年十八適姚遜夫亡無嗣翁姑欲奪其志斷髮以誓不

二

厓 見何氏纂文路史

蚕 見何承天纂文要

蓋 見漢書注

史記荆卿與蓋聶論劍聶怒而目之聶榆次人索隱云蓋古臘反

史記蓋公膠西人善治黃老言師樂臣公曹參延問之師古注蓋音古盍反

彈棊經序蓋元西域人武帝平西域得胡人善蹴鞠者蓋元便捷跳躍帝好而為之羣臣不能諫

漢書蓋寬饒字次公魏郡人性剛直初以明經為郡文學以孝廉為郎舉方正對策遷諫議大夫奉公守法不避權要終

終司隸校尉

儒林傳周防師事徐州刺史蓋豫授古文尚書豫光武時人
按作裕者非

漢書蓋延字巨卿漁陽人光武拜虎牙將軍平河北有功封
安平侯卒圖雲臺華嶠書蓋延代鮮于褒為馮翊多非法第
五倫數切諫延恨之故滯不得舉按漢書延子恢安帝永初
七年封蘆亭侯恢子遂襲封

漢書蓋勳字元固敦煌廣至人家世二千石祖進為漢陽太
守生大司農彪彪生安定屬國都尉思齊思齊生勳越騎校
尉初舉孝廉為漢陽長史後領漢陽太守董卓廢少帝勳與
書責之卓甚憚焉勳子順為永陽太守

橋乡傳大中大夫蓋升與帝有舊恩前為南陽太守臧數億
以上乡奏免升禁錮没入財賄帝不從而遷升侍中按橋公
廟碑云河間相蓋升表宏紀作蓋延

桓帝紀勃海妖賊蓋登稱太上皇帝有玉印圭璧鐵券
隨經籍志蓋印著朱崖傳二卷

隨書東都聞宇文化及西來上下震懼有蓋琮者上疏請說
李密與之合勢拒化及即以琮為通直散騎常侍齋敕書賜

密

隨書蓋雋魯郡人六世同居共財產家門雍睦有司奏表其
閭

唐書蓋文達冀州信都人明春秋三家之說太宗時與十八
學士之列師劉焯實抗曰可謂冰生于水而寒于水也其宗
人文懿以儒學稱時號二蓋文達官國子司業文懿官至國
子助教終博士

唐書蓋嘉運為安西都護

唐書蓋寓李克用大將說李克用曰鑾輿播遷天下皆歸咎
于我今不誅朱玫黜李煜無以自渝洗寓蔚州人昭宗以寓
領容管觀察時後升領節度使

氏族畧蓋稠宣和中知臨川

金史蓋時敏字志學臨清人兵亂生踰月棄之草中兵退尋
之見為兔乳長好善死時書偈而逝葬日羣鶴飛繞

中州集蓋椿字壽之元好問杜仁傑曹昶等與之游終于彰
德路儒學教授

元史蓋苗字耗夫元城人登仁宗延佑進士授單州判官歲
飢郡府遣苗至戶部請振戶部難之苗伏中書堂下出糠餅

以示日濟寧民食此况不得食此者尤多豈可坐視不救因
泣下時宰大悟凡被災者咸獲振濟後官監察御史拜中書
參知政事

氏姓謹蓋恒弼洪武初道州同知亂後招集流亡百廢俱興
升本府知府蓋天麟洪武初知興化府有新政蓋霖孟縣人
有奇才洪武初以監生任礼部主事被旨掌部事規畫建置
多所裨益麻户工二部員外郎以事繫獄父伏闕陳情上宥
之

陝西志蓋緩絳州人正統中知白水有善政

蓋樓氏見官氏志

掄

掄拔氏見周書諸書無今補

北齊書斛律光與周申國公掄拔顯敬相對十旬光置蔡統
關豐化二城以通宜陽之路

慳 見華陽國志此姓諸書無今補

姓韻卷

十六葉

正威張 澍篔

葉 見風俗通

後漢書日南徼外蠻葉調賜金紫綬

廣韻吳志孫堅傳有都尉葉雄按今吳志堅大破董卓軍梟其都督華雄廣韻引作都尉葉雄是今本誤也通鑑亦作都督華雄蓋自宋時已訛胡三省引作孫皓傳有都尉葉雄非也

魏書庫狄部帥葉亦干

晉書葉譚零陵人清簡有志節官秘書監

隨書楊素擊無錫賊帥葉畧平之按北史楊素傳作葉皓

唐書葉法善字道元括蒼人傳陰陽符錄占繇之術能厭劾鬼怪叔靜能有神術為國子祭酒加金紫光祿大夫姪仲榮

父慧明祖重皆贈官

唐書建州進士葉京嘗預宣武軍宴識監軍之面既而及第在長安與同年出遊遇之于塗馬上相揖因之謗議喧然遂廢錮終身

唐書永寧縣吏葉彥素為張濬所厚知楊麟將至密告濬子格曰相公禍不可免即君宜自為謀濬謂格曰汝留則俱死去則遺種格哭拜而去葉彥帥義士三十人送之渡漢而還格遂自荆南入蜀

宋史有葉馮謚正簡葉適謚忠完

吳越脩史錢鏐衢州羅城指揮使葉讓鏐使殺刺史陳璋事
泄璋斬讓叛降于楊行密

通鑑萊州刺史葉仁魯帝之故吏也坐贓絹萬五千匹錢千
緡賜死帝遣中使賜以酒食曰汝自抵國法吾無如之何當
存恤汝母仁魯感泣胡三省曰仁魯漢高祖之親將天福十
二年嘗破契丹于承天軍或事帝于樞密院或討河中鎮鄴
時也

葉陽氏見姓纂

葉大夫氏見路史按潛夫論作業大夫氏

接

見史記注

莊子少知曰季真之莫為接子之或使二家之議孰正于其
情孰偏于其理

史記孟子荀卿傳齊有接子與慎到田駢同時學黃老道德
之術按漢藝文志接子著書二篇一作捷

三輔決錄有接子名昕著書十卷按一引云十篇

山東志接武莒州人正德舉人官知縣接廷瑞諸城人正德
中任兩淮定豐倉副使

接輿氏見路史

捷 見風俗通路氏

前漢藝文志捷子齊人著書二篇注六國時人按一云武帝

時人誤

涉

見姓苑

左傳定八年涉佗拔衛侯之手及挽昭二十二年傳晉荀吳滅鼓以鼓子戴鞮歸使涉佗守之按說苑靈公欲反趙王孫商曰不若與百姓同惡之令于國曰有姑姊女者家一人質于趙國人巷哭乃召大夫謀曰趙為無道反之可乎皆曰可乃出西門開東門趙氏聞之殺涉佗以謝于衛

定公二年傳趙稷涉賓以邯鄲叛杜注涉賓邯鄲午家臣

史記章邯令王離涉間圍鉅鹿涉間不降楚自燒殺

朝鮮傳漢使遼東都尉涉何誘諭朝鮮王右渠終不肯奉詔涉何使馭刺殺朝鮮裨王長拜為遼東東部都尉為朝鮮攻殺

神仙傳涉正字元真巴東人嘗閉日日開若雷電

後魏書拓拔珪欲北還遣其國相涉延求和于燕且請以其弟為質

前燕錄慕容翰伐宇文歸遣驍將涉奕于拒之為翰所斬

後燕祿慕容令自度終不得免密謀起兵沙城中謫戍士數千人令皆厚撫之城大涉圭懼請自效後涉圭因侍直擊令令單馬走圭追至薛黎澤禽殺之勃海王亮誅涉圭周董宏造造像銘碑有邑子涉令賓氏族畧宋有涉緯太平登科

宋史乾德年間詔求天下書有涉弼等獻書二千數百卷涉其氏見世本春秋涉其擘是也按此說非有辨誤

猶

見太平寰宇記此姓諸書無今補

英

見漢書

風俗通英成僖子晉大夫也見世本按廣韻于英字下引世

本云英成僖子于菱字下引菱成僖子疑有訛

漢藝文志有英氏春秋按今本作夾音英

王僧儒百家謚荀永之娶平陽英氏

氏姓謚英斌六安人宣德中任長陽縣丞

俠

見氏族畧

國策濮陽嚴仲子使聶政刺韓相俠累索隱引高誘云韓隗

俠累也

隸釋俠伯咸碑在單父墓前建寧中立

後燕祿慕容令自度終不得免密謀起兵沙城中謫戍士數千人令皆厚撫之城大涉圭懼請自效後涉圭因侍直擊令令單馬走圭追至薛黎澤禽殺之勃海王亮誅涉圭周董宏造造像銘碑有邑子涉令賓氏族畧宋有涉緯太平登科

宋史乾德年間詔求天下書有涉弼等獻書二千數百卷涉其氏見世本春秋涉其擘是也按此說非有辨誤

猶 見太平寰宇記此姓諸書無今補
英 見漢書

英成氏見世本

風俗通英成僖子晉大夫也見世本按廣韻于英字下引世本云英成僖子于菱字下引菱成僖子疑有訛

漢執文志有英氏春秋按今本作夾音英
王僧儒百家誼荀永之娶平陽英氏

氏姓誼英斌六安人宣德中任長陽縣丞
俠 見氏族畧

國策濮陽嚴仲子使聶政刺韓相俠累索隱引高誘云韓隗俠累也

隸釋俠伯咸碑在單父墓前建寧中立

挾 見路氏

勅 見辨證家字記

牒 見後魏書

渭南縣志明天順時淇縣主簿牒剛邑人

安岳縣志牒昇陝西蒲城人正統間由舉人知縣事廉能勤慎平易近民民愛之如父母無敢欺者歷九年如一日擢知

鄧州

牒云氏見北齊書按一作牒雲氏

北齊書武威牒云舍樂從尔朱榮為軍主統軍後西河領民

都督兆敗率眾以從神武出山東以軍功至開府儀同三司

鎮西將軍營州刺史天保初封漢中郡公戰沒關中按齊書

張保洛傳作牒舍樂脫云字

魏書蠕蠕國人推婆羅門為彌偶可社句可汗魏遣使者牒

云具仁往諭之使迎阿那瓌具仁至柔然婆羅門殊驕慢無

遜避心責具仁不敬具仁不屈那阿瓌乃遣大臣將兵隨具

仁迎阿那瓌按具仁武威人

按東魏時有牒云洛嘗奉使迎鄴陽世子嗣使鎮皖城未行
疾景遣任約將兵寇江州洛等引去洛亦武威人

妾

印藪漢有妾昏妾志

攝

見左杜注

左宣公十二年傳泌之役攝叔曰吾聞致師者右入壘折馘
執俘而還樂伯射麋麗龜使攝叔奉麋獻鮑葵

跌

見廣韻跌音頡

跌跌氏按即阿跌也見唐書

唐書九姓阿跌部為雞田州都督唐單于都護振武節度使
兼御史大夫阿跌光進元和二年詔賜姓李名光顏陳許節度

使

舊唐書突厥傳突厥酋長跌跌思泰宗二年來降封樓煩
公郭知運傳突厥降戶阿志爛跌跌思泰率眾叛執單于按
論弓仁傳弓仁與跌跌思泰戰赤柳澗

唐書王式以昭義將跌跌斃將四百人益東路軍斷賊入明
州之道賊委弃繒帛盈路以緩追者斃令士卒敢顧者斬毋
敢犯者

冊府元龜薛文玉為武功縣令長興元年九月西京奏武功
縣百姓三千餘人持白棒入縣亂擊人吏分劫縣庫稅錢公

靡什物尋差兵捉到結集首領武功鎮將跌跌琉等三十二人各招本罪稱縣令以大竿尺簡田所以眾心難抑其跌跌琉准法科斷文玉罰七十直主簿李彥柔罰五十直並勒停按一作跌跌疏是疏二字相近而訛

按宋天聖年間絳州重修夫子廟記碑末逸民跌跌望集刻宋解州鹽池新堰箴碑末後郊跌跌望集勒其人是一石工也

帖

奇姓通帖晏馬平人正德中知龍川縣

乾隆己亥齒錄雲南通海舉人帖朝英曾祖万選祖錫祚父重光子王忠王愷王惠

輒

見風俗通

傭吹錄輒汰食子

風俗通漢有輒終古按漢功臣表有輅終古為樓船軍卒錢唐人無輒終古也

劫

此姓諸書無今補

按皇覽大司空長史御長卿巡行水災一作劫長卿索隱云亦有劫彌不得為長史也

燮 見姓苑

氏族畧宋有燮玄圖湘潭人咸平進士三臺御史

鬻 見姓苑

霽 見博物志此姓諸無今補

聶 見姓纂廣韻韻誼

戰國策軹人聶政殺韓傀其姊名嫪

漢書潁川太守聶良又雁門馬邑豪聶翁壹師古曰姓聶名

壹翁者老人之稱

西羌傳聶尚代鄧訓為校尉見前人累征不克欲以文德服

之乃遣驛使招呼迷唐居大小榆谷後復反叛按水經注永

元五年貫友代聶尚為護羌校尉攻迷唐斬獲八百餘級收

其熟麥數萬斛于逢留河上築城以盛麥且作大船于河峽

作橋渡兵迷唐遂遠依河曲

劉寬碑陰門人名有平陵令河內脩武聶政季庸

殷芸小說李膺同縣聶季寶小家子不敢見膺杜周甫知季

寶不能定名以語呼見坐置砌下牛衣一與語即訣曰此人

當作國士卒如其言

吳書魏遣使者傳容聶夔拜公孫淵為樂浪公淵以步騎圍

之

吳志聶友字文悌豫章新淦人與諸葛恪善將軍姜朱崖孫峻忌友以為鬱林太守發病死按搜神記友少貧賤常好射獵見一白鹿射之中尋血踪血盡不知所在飢因臥梓樹下仰見所射鹿箭著樹枝怪之于是還家齋糧命子弟伐之有血截為二板置陂中常沈時復浮出友仕至丹陽太守其板忽隨至石頭友驚曰此陂中板來必有意因解職還家二板挾兩邊一日即至

晉書東瀛公騰使將軍聶亨討劉淵戰于大陵亨軍敗

異苑臨川聶包死數年忽詣南豐相沈道襲作歌其歌笑甚有倫次每歌輒作花上盈盈正聞行當歸不聞死後生

晉書中書令聶熊為慕容儁秘書監清河人按熊石虎國子祭酒注穀梁春秋列于學宮又為石閔中書監為慕容評所獲

唐書鴻臚卿聶師道楊行密號問政先生從于方外學養氣之術

唐詩本事聶夷中擢進士有詩名傷田家詩孫光憲謂其有三百篇之旨按夷中字坦之咸通中華陰尉馮道誦其詩于

明宗曰二月賣新絲五月糶新穀醫得眼下瘡剗却心頭肉
集異記魏博節度大將聶鋒有女曰隱娘能飛劍取人首自
嫁磨鏡少年

冊府元龜明宗詔曰原州司馬聶嶼擢從班列委出親賢不
守條章疆買店宅細詢行止頗駭聽聞喪妻未半年別成婚
媾棄母動踰于 奉晨昏按薛史嶼鄴中人少為學吟咏納
賄于鄭登第

五代史劉知俊將聶賞開門降于楊師厚

宋史聶崇義洛陽人舉三礼善礼學漢乾祐中官博士校定

公羊春秋周顯德中進司業兼太常博士世宗以宗廟祭器
漸失規式命檢纂書以聞宋初上三礼園世推其該贍

宋史聶冠卿字長孺新安人慶曆中為內翰知貢舉得楊賞
王珪韓絳王安石等景祐鑄編鐘成上命馮元聶冠卿宋祁
修樂書有斬春集十卷

十七洽

甲 見風俗通姓纂

左傳潞子甲氏留吁

潘安仁關中詩有甲吉

夢谿筆談甲峒者交趾大聚落王者甲承貴娶李公蘊之女
改姓甲氏承貴之子紹泰又娶李德政之女

甲姓謚甲聰宣德中鴻臚寺序班邢臺人按王元美別集作
甲總

氏姓謚甲九霄山東恩縣人貢士嘉靖四十五年除新鄉知
縣

甲父氏見英賢傳

鄭大夫石甲父按姓甲父名石也

英賢傳漢有侍御史甲父沮

鳩

漢藝文志兵法陰法家有鳩治子按論語摘象輔鳩治受決
法而民不枉注黃帝臣也一作鳩治誤

夾

見漢書注

漢藝文志有夾氏春秋傳十一卷師古云夾音頰

通典傳子曰晉征南軍師矯公智之母夾氏生公智後出之
其父重娶王氏生公曜不為服

氏族畧宋有夾允性敏而貧求仕任陳州司獄

邾

見姓纂辯證

左哀公九年傳宋取鄭師于雍丘使有能者無死以邾張與鄭羅歸

氏族畧唐有邾滂光化中為六合宰常作懷古詩五十首又宋邾亶字正夫崑山人皇祐進士初授睦州團練推官熙寧三年上書陳天下理財費興利除害之策入為太常丞子喬字子高為王安石所器鄉里推重謂之邾長官按宋熙寧三年崑山人邾亶上書言水利謂長洲縣界有長蕩黃天蕩其水上承湖下通海

氏族畧邾良邾備輔俱吳興人元豐登科邾袤元符登科邾汝云紹興登科俱歸安人邾升卿字師古平江人紹興進士知常徽二州邾晉卿字師望乾道進士崑山人邾嘉謀歸安人大觀登科邾元鼎字寶一作元之宜春人精于經學教授鄉

郡

氏族誼邾貴完浙江人洪武初任南康知府邾鼎字薦和常熟人嘉靖乙丑進士官按察副使邾亶常熟人嘉靖進士官刑部郎中

題名錄邾掄才常熟人嘉慶辛未進士

邾

見路史

風俗通漢有梁令鄴鳳按廣韻引作鄴風訛

法 見廣韻

漢書南匈奴傳有太原太守法度代耿夔為度遼將軍

漢書法雄字文疆扶風人初仕功曹除平氏長擢宛陵令永

初二年征海寇張伯路轉青州刺史平東萊寇有功遷南郡

太守移書而虎害息子真字高卿

一作喬卿

博學通圖典性恬靜

寡欲不交人間事四徵不屈號兮德先生

氏姓謚法威南召人正統中任豐潤縣教諭法愷字子煦丹

徒鄉貢以教官中河南鄉試麻藁城知縣嘉靖中升保定府

通判南寧府同知父譽以子愷封保定府通判

寄園寄所寄及熙朝新語云山東膠州人法若真字黃石順

治乙酉以全作五經監臨主司公薦異才詔試玉芝宮以內

閣中書一體會試順治丙戌成進士館選麻御史授浙江按

察使

山東志法標靈山衛人康熙己未進士法海山東人嘉慶時

官翰林法得茂任登州千總

江陰志法治朝字公亮明季父為江陰縣土賊所殺治朝百

計求其遺骸歸復理于官戮賊首十一人事母至孝病刲股

以進尋愈弟治鼎染疫頭項腫潰欲人面作枕治朝以面承
之由是得愈雍正二年郡縣諸生請旌其閭弟治齊字公安
父被殺時年甫十三隨其兄走江陰求父骸及仇雪每言及
輒咬破其舌喋血哭不已以不及手刃羣賊為恨生子不令
赴試江陰以父曾殺此地也初出繼叔後叔生子盡其家界
之為人剛直鄉中事無大小咸取決焉康熙三十八年邑令
王旌之曰孝友為政

業

見姓苑

隨經籍志業詩二十卷宋奉朝請業遵注立義多異世所不

行按經典釋文宋奉朝請業遵字長孺燕人作札記注十二

卷一作業遵誤

李德裕集有右鷹威衛將軍業温啜夷人也

通鑑閩王曦親吏業翹遣監建州刺史延政革翹與杜漢崇
爭据延政陰事告于曦一日翹與延政議事不協呵之曰公
反耶延政怒欲斬翹翹奔南鎮按史炤曰業當作鄰非也風
俗通別有鄰姓

氏族畧紹興三十五年泰興知縣業疇

江南餘載業毅有善歌人為高鎬博戲得之

業陽氏

國策威后曰業陽子無恙耶是其為人哀鰥寡卹孤獨振困窮補不足是助王息其民者也何以至今不業耶

噉 見太平寰宇記

噉 噉氏此姓諸書無今補

唐書高昌王麴文泰入朝西域諸國咸欲因文泰遣使入貢上遣文泰之臣厭怛紇干往迎之魏徵諫時厭怛紇干已行上遽令止之按厭怛即噉噉也

脅 見姓苑

鴨 此姓諸書無今補太平寰宇記魏郡五姓有鴨氏

桺

印 藪漢有桺強桺朗

臈

卽抄甘泉回民臈泳昌誣控李華風殺人放火

壘 此姓諸書無今補

北涼錄呂光晉昌太守沮渠男成起兵殺酒泉太守壘滕按

一作壘澄

Large stylized watermark or seal, possibly reading '圖書館藏' (Library Collection).

Small square seal or stamp, likely a library or collection mark.

